



Broj: 05/2-11/3-2189/23
Velika Kladuša, 11.09.2023. godine

Na osnovu člana 17. i 18. Zakona o javnim nabavkama BiH („Službeni glasnik BiH“, broj: 39/14 i 59/22) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), Općinski načelnik Općine Velika Kladuša, donio je slijedeću

POSEBNU O D L U K U

o pokretanju postupka javne nabavke i putem Otvorenog postupka za nabavku radova izrade i postavljanja ograde od čeličnih profila i flahova na lokalnom mostu na potoku Hukavica u mjestu Gornja Vidovska, općina Velika Kladuša, kojom se mijenja Plan javnih nabavki Općine Velika Kladuša broj: 05/2-11/3-796/23 od 25.04.2023. godine

Član 1.

Ovom Odlukom pokreće se postupak javne nabavke putem Otvorenog postupka za nabavku radova izrade i postavljanja ograde od čeličnih profila i flahova na lokalnom mostu na potoku Hukavica u mjestu Gornja Vidovska, općina Velika Kladuša.

Član 2.

Procijenjena vrijednost nabavke iz člana 1. iznosi 3.418,80 KM, a sredstva za ove namjene obezbjeđuju se u Budžetu Općine Velika Kladuša za 2023. godinu, ekonomski kod 614241-001.

Član 3.

Kriterij za dodjelu ugovora je: Najniža cijena.

Član 4.

Općinski načelnik će posebnim rješenjem imenovati komisiju zaduženu za provođenje predmetne javne nabavke.

Član 5.

Ova Odluka stupa na snagu danom donošenja a ima se objaviti u „Službenom glasniku Općine Velika Kladuša“.

O b r a z l o Ź e n j e:

Dana, 31.08.2023. godine Službi za finansije, računovodstvo i javne nabavke od strane Službe za civilnu zaštitu Općine Velika Kladuša upućen je prijedlog za javnu nabavku radova izrade i postavljanja ograde od čeličnih profila i flahova na lokalnom mostu na potoku Hukavica u mjestu Gornja Vidovska, općina Velika Kladuša. Uvidom u Plan javnih nabavki za 2023. godinu Općine Velika Kladuša utvrđeno je da predmetna javna nabavka nije predviđena istim.

Budući da se potreba za ovom javnom nabavkom ukazala naknadno usljed vremenskih neprilika koje se unaprijed nisu mogle predvidjeti (poplave) Općinski načelnik Općine Velika donosi posebnu odluku o pokretanju postupka javne nabavke kojom se ova stavka unosi u Plan javnih nabavki tekuće godine.

Članom 17. stav (1) Zakona o javnim nabavkama propisano je: „Ugovorni organ započinje postupak javne nabavke ako je nabavka predviđena u planu javnih nabavki.“

Članom 17. stav (3) Zakona o javnim nabavkama propisano je: „Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javnih nabavki kojom mijenja plan javnih nabavki.“

Članom 17. stav (7) Zakona o javnim nabavkama propisano je: „Ugovorni organ objavljuje sve izmjene i dopune plana javnih nabavki na portalu javnih nabavki.“

Cijeneći sve naprijed navedeno, Ugovorni organ odlučio je kao u dispozitivu ove Odluke.

Obrađivač:
Ferkić-Hušidić Adnana

Kontrolisao:
Dervić Melkić Sebila

DOSTAVLJENO:

1. Služba za opću upravu, društvene djelatnosti i zajedničke poslove,
2. Služba za finansije, računovodstvo i javne nabavke,
3. U spis,
4. A/a.



OPĆINSKI NAČELNIK
Fikret Abdić, dipl.ing.